

II კლასი

მეორე კლასის ტესტის ჯამური ქულაა 100. ტესტში წარმოდგენილია 5 სავარჯიშო და სულ 30 საკითხი. ტესტი შედგება არჩევითი პასუხიანი, დახურული ტიპის დავალებებისგან. ტესტის გამსვლელი ქულაა 35. ტესტი ამოწმებს მოსწავლის ენობრივ ცოდნასა და პრაქტიკულ უნარებს: ანბანის ცოდნას, მარცვლების გარჩევას, ბუნებასთან და ცხოველებთან დაკავშირებული ცნებების ცოდნას, სიტყვების მნიშვნელობის გაგებასა და ვიზუალური მასალის (ნახაგის) გააზრებას.

სავარჯიშო 1: ანბანი და ასოები

ეს სავარჯიშო ამოწმებს მოსწავლის ცოდნას ქართული ანბანისა და ბგერების შესახებ. მოსწავლემ უნდა შეძლოს განსაზღვროს რამდენი ბგერისგან შედგება სიტყვა, ამოიცნოს ხმოვნები, იპოვოს გამოგოვებული ასო ანბანის რიგში და სწორად შეადგინოს სიტყვა მოცემული ასოებისგან. დავალებები ხელს უწყობს მოსწავლის ფონეტიკური ცოდნის გაღრმავებას და ანბანის სტრუქტურის უკეთ გაგებას.

სავარჯიშო არის 10 ქულიანი და შედგება 5 საკითხისგან, შესაბამისად თითოეული საკითხის ქულა არის 2.

მაგალითი:

რომელი სიტყვა შედგება ოთხი ბგერისგან?

ა) თათი

ბ) კალამი

გ) თოვლი

სავარჯიშო 2: მარცვალი

ეს ნაწილი ამოწმებს მოსწავლის უნარს სწორად განსაზღვროს სიტყვის მარცვლოვანი აგებულება. მოსწავლემ უნდა შეძლოს სიტყვაში მარცვლების რაოდენობის დადგენა, ამოიცნოს გამეორებული მარცვალი, მარცვლებისგან შეადგინოს სიტყვა და განსაზღვროს, არის თუ არა სიტყვა სწორად დამარცვლილი.

სავარჯიშო არის 10 ქულიანი და შედგება 5 საკითხისგან, შესაბამისად თითოეული საკითხის ქულა არის 2.

მაგალითი:

რამდენი მარცვალია სიტყვაში „სახლი“?

ა) ერთი

ბ) ორი

გ) სამი

სავარჯიშო 3: ცხოველები და ბუნება

ეს სავარჯიშო ამოწმებს მოსწავლის ცოდნას ბუნებისა და ცხოველების შესახებ. მოსწავლემ უნდა შეძლოს განსაზღვროს ცხოველების საცხოვრებელი გარემო, განასხვავოს შინაური და გარეული ცხოველები, ამოიცნოს ფრინველები და მცენარეები. დავალებები ეხმარება მოსწავლეს გარემოსა და ბუნების შესახებ საბაზისო ცოდნის გაფართოებაში.

სავარჯიშო არის 20 ქულიანი და შედგება 5 საკითხისგან, შესაბამისად, თითოეული საკითხის ქულა არის 4.

მაგალითი:

რომელი ცხოველია შინაური?

ა) მელა

ბ) ძროხა

გ) მგელი

